

中國
古代
西北
歷史
資料
輯錄

第一輯(下)

劉光華 編
蘭州大學出版社

蘭州大學古籍整理叢刊



中国古代西北历史资料辑录

(一)

下 册

刘光华 编

兰州大学出版社

1988 · 兰州

中国古代西北历史资料辑录（一）

下 册

刘 光 华 编

兰州大学出版社出版

（兰州大学校内）

兰州大学印刷厂印刷 甘肃省新华书店发行

开本：850×1168 毫米1/32 印张：13.5

1988年9月第1版 1988年9月第1次印刷

字数：360千字 印数：1—2000册

ISBN7-311-00072-6/K·11 定价：4.20元

目 录

下 册

· 东汉光武帝 (上) 第九	(1)
汉光武帝建武元年 (25年)	(1)
建武二——四年 (26—28年)	(11)
建武五年 (29年)	(17)
建武六年 (30年)	(30)
建武七年 (31年)	(46)
· 东汉光武帝 (下) 第十	(49)
汉光武帝建武八——九年 (32—33年)	(49)
建武十——十二年 (34—36年)	(62)
建武十三——十九年 (37—43年)	(75)
建武二十——二十六年 (44—50年)	(83)
建武二十七——三十一年 (51—55年)	(93)
中元 (56—57年)	(98)
· 东汉明章第十一	(101)
汉明帝永平元——十四年 (58—71年)	(101)
永平十五——十八年 (72—75年)	(113)
汉章帝建初 (76—83年)	(131)
元和 (84—86年)	(145)
章和 (87—88年)	(150)
· 东汉和殇第十二	(161)
汉和帝永元元——三年 (89—91年)	(161)
永元四——八年 (92—96年)	(177)
永元九——十六年 (96—104年)	(186)

元兴 (105年)	(200)
汉殇帝延平 (106年)	(201)
东汉安帝冲质第十三	(203)
汉安帝永初 (107—113年)	(203)
元初 (114—119年)	(221)
永宁 (120年)	(233)
建光 (121年)	(239)
延光附少帝刘懿 (122—125年)	(241)
汉顺帝永建 (126—131年)	(248)
阳嘉 (132—135年)	(256)
永和 (136—141年)	(260)
汉安 (142—143年)	(268)
建康 (144年)	(270)
汉冲帝永嘉 (145年)	(272)
汉质帝本初 (146年)	(274)
东汉桓帝第十四	(276)
汉桓帝建和 (147—149年)	(276)
和平 (150年)	(277)
元嘉 (151—152年)	(277)
永兴 (153—154年)	(280)
永寿 (155—157年)	(281)
延熹元——五年 (158—162年)	(286)
延熹六——九年 (163—166年)	(305)
永康 (167年)	(311)
东汉灵帝十五	(314)
汉灵帝建宁 (168—171)	(314)
熹平 (172—177年)	(325)
光和 (178—183年)	(330)

中平元——三年（184—186年）	（339）
中平四——六年附少帝刘辩（187—189年）.....	（355）
东汉献帝第十六	（367）
汉献帝初平（190—193）	（367）
兴平（194—195年）	（377）
建安元——五年（196——200年）	（382）
建安六——十三年（201—208年）	（391）
建安十四——十九年（209—214年）	（399）
建安二十——二十四年（215—219年）	（416）

东汉光武(上)第九

建武元年

(25年)

元年(乙酉、二五)

春，正月，方望与安陵人弓林共立前定安公婴为天子，聚党数千人，居临泾。临泾县，属安定郡。赞曰：今泾川县。更始遣丞相松等击破，皆斩之。

《资治通鉴·汉纪》第3本第1274页

(广戚侯勋薨，子显嗣。)平帝崩，无子，王莽立显子婴为孺子，奉平帝后。莽篡位，以婴为安定公。汉既诛莽，更始时婴在长安，平陵方望等颇知天文，以为更始必败，婴本统当立者也，共起兵将婴至临泾，立为天子。更始遣丞相李松击破杀婴云。

《汉书·宣元六王传》第10本第3320页

(更始)三年(编者按：更始三年即光武帝建武元年)正月，平陵人方望立前孺子刘婴为天子。初，望见更始政乱，度其必败，谓安陵人弓林等曰：“前定安公婴，平帝之嗣，虽王莽篡夺，而尝为汉主。今皆云刘氏真人，当更受命，欲共定大功，何如？”林等然之，乃于长安求得婴，将至临泾立之。聚党数千人，望为丞相，林为大司马。更始遣李松与讨难将军苏茂等击破，皆斩之。

《后汉书·刘玄列传》第2本第473页

(城阳恭王祉字巨伯，光武族兄春陵侯敞之子也。)更始立，以祉为太常将军，绍封春陵侯。从西入关，封为定陶王。别将击破刘婴于临泾。

《后汉书·宗室列传》第3本第561—562页

蜀郡功曹李熊说公孙述宜称天子。夏，四月，述即帝位，号成家，贤曰：以起成都，故号成家。改元龙兴；时有龙出其府，因以纪元。李【幸：十二行本、“李”上有“以”字；乙十一行本同；孔本同；张校同。】熊为大司徒，述弟光为大司马，恢为大司空。

《资治通鉴·汉纪》第3本第1275页

（秀至河北，所过郡县，考察官吏，黜陟能否，平遣囚徒，除王莽苛政，复汉官名；吏民喜悦，争持牛酒迎劳。更始二年，秀以王郎新盛，北巡蓟，收上谷、渔阳，拔邯郸，斩王郎，破铜马、大彤、高湖、重连等，众遂数十万；南巡河内，河内太守韩歆降。命邓禹西入关，秀自将北击尤来、大枪等，连破之。还，）行至鄯，《续汉志》：鄯县，属常山国，帝于此即位，改曰高邑。召冯异，【幸：十二行本“异”下有“遣鄯”二字；乙十一行本同；孔本同；张校同。】问四方动静。异曰：“更始必败，宗庙之忧在于大王，宜从众议！”会儒生强华自关中奉《赤伏符》来诣王曰：“刘秀发兵捕不道，四夷云集龙斗野，四七之际火为主。”四七，二十八也。自高祖至光武初起，合二百二十八年，即四七之际也。汉火德，故火为主也。群臣因复奏请。六月、己未，王即皇帝位于鄯南；改元，大赦。

同上第1278—1279页

（更始二年冬，樊崇等将兵入颍川，分其众为二部，崇与逢安为一部，自武关西；徐宣、谢禄、杨音为一部，自陆浑关西，……两道俱入关。）张卬与诸将议曰：“赤眉旦暮且至，见灭不久，不如掠长安，东归南阳；事若不集，复入湖池中为盗耳！”乃共入，说更始；更始怒不应，莫敢复言。更始使王匡、陈牧、成丹、赵萌屯新丰，李松军椒，以拒赤眉。贤曰：椒，音子侯翻。及《续汉志》：丰新有鸿门亭，椒城即此也。张卬、廖湛、胡殷、申屠建与隗嚣合谋，欲以立秋日糴糒时贤曰：《前书音义》曰：糴，音，以平糴日祭，王者亦此日出猎，用祭宗庙，冀州北郡以八月朔作饮食为糴，其俗语曰糴、腊、社、伏。《风俗通》：尝新始杀食曰糴。《汉仪》：立秋日，即礼毕，始扬威武，乃

祠光虞，告以烹鲜。天子御戎辂，白马朱鬣，躬执弩射牲，牲以鹿、麋，新牲于东郊门，载获，车驰驱，以荐陵庙，名甄刘，刘，杀也。甄，于叶杀物，故以应之。又谓之甄臄。臄，去于翻。臄音姜。共劫更始，俱成前计。《考异》曰：袁《纪》云：“申屠建等功更始让帝位，更始不应；建等谋劫之。”今从范《书》。更始知之，托病不出。召张卬等入，将悉诛之；唯隗嚣称疾不入，会客三遵、周宗等勒兵自守。更始狐疑不决，卬、湛、殷疑有变，遂突出；独申屠建在，更始斩建，使执金吾邓晔将兵围隗嚣第。卬、湛、殷勒兵烧门，入战官中，更始大败；嚣亦溃围，走归天水。明旦，更始东奔赵萌于新丰。

同上第1279—1280页

明年夏，赤眉入关，三辅扰乱。流闻光武即位河北，嚣即说更始归政于光武叔父国三老良，更始不听。诸将欲劫更始东归，嚣亦与遥谋。事发觉，更始使使者召嚣，嚣称疾不入，因会客王遵、周宗等勒兵自守。更始使执金吾邓晔将兵围嚣，嚣开门拒守；至昏时，遂溃围与数十骑夜斩平城门关，亡归天水。复招聚其众，据故地，自称西州上将军。

《后汉书·隗嚣列传》第2本第521页

赤眉进至华阴，军中有齐巫，齐巫，齐国之巫，常鼓舞祠城阳景王，城阳景王章有诛诸吕之功，故齐人祀之以求福助。巫狂言：“景王大怒曰‘当为县官，何故为贼！’”贤曰：县官，谓天子也。有笑巫者辄病，军中惊动，方望弟阳说樊崇等曰：“今将军拥百万之众，西向帝城，而无称号，名为群贼，不可以久，不如立宗室，挟义诛伐，以此号令，谁敢不从！”崇等以为然，而巫言益甚。前至郑，乃相与议曰：“今迫近长安，而鬼神若此，当求刘氏共尊立之。”

先是，赤眉过武，《地理志》，武县，属泰山郡。掠故武侯萌之子恭、茂、盆子三人自随。萌之父曰宪，城阳景王五世孙，荒王顺之子，元帝时封武侯。恭少习《尚书》，随樊崇等降更始于洛阳，复封武侯，为侍中，在长安。茂与盆子留军中，属右校卒史刘侠卿，主牧牛。

《汉注》中史，教百石，九卿寺及诸郡及军行都校皆有之。及崇等欲立帝，求军中景王后，得七十余人，唯茂、盆子及前西安侯孝最为近属。崇等曰：“闻古者天子将兵称上将军，”乃书札为符曰“上将军”，又以两空札置笥中，笥曰：札，简也。笥，匣也。于郑北设坛场，祠城阳景王，诸三老、从事皆大会；赤眉诸帅最尊者号三老，次从事，列盆子等三人居中立，以年次探札，盆子最幼，后探得符；诸将皆称臣，拜。盆子时年十五，被发徒跣，敝衣赭汗，见众拜，恐惧欲啼。茂谓曰：“善藏符！”藏，读曰藏。盆子即啮折，弃之。以徐宣为丞相，樊崇为御史大夫，逢安为左大司马，谢禄为右司马，其余皆列卿、将军。

《资治通鉴·汉纪》第3本第1280—1281页

李松自掖引兵还，从更始与赵萌共攻王匡、张卬长安。连战月余，匡等败走，更始徙居长信宫。《三辅黄图》曰：从洛门至周庙门，有长信宫在其中。

赤眉至高陵，《地理志》高陵县属冯翊。王匡、张卬等迎降之，遂共连兵进攻东都门。李松出战，赤眉生得松；松弟况为城门校尉，开门纳之。九月，赤眉入长安；更始单骑走，从厨城门出。……右辅都尉严本，恐失更始为赤眉所诛，即将更始至高陵，本将兵宿卫，其实围之。更始将相皆降赤眉，独丞相曹竟不降，手剑格死。

同上第1283页

（冬十月，更始降于赤眉。赤眉）乃赦更始，封为畏威侯。刘恭复为固请，竟得封长沙王。

同上第1286页

刘盆子居长乐宫，三辅郡县、营长遣使贡献，时三辅豪杰处处屯聚，各有营长，兵士辄剽夺之，又数暴掠吏民，由是皆复固守。

百姓不知所归，闻（光武将）邓禹乘胜独克（编者按：指为建武元年七月“自汾阴渡河，入夏阳”）而师行有纪，贤曰：纪，纲纪也。言有条贯而不

成暴，皆望风相担负以迎军，降者日以千数，众号百万。禹所止，辄停车柱节以劳来之，父老、童稚、垂发、戴白满其车下，莫不感悦，赞曰：垂发，童幼也。戴白，父老也。于是名震关西。

诸将豪杰皆劝禹经攻长安，禹曰：“不然。今吾众虽多，能战者少，前无可仰之积，后无转馈之资；赤眉新拔长安，财谷充实，锋锐未可当也。夫盗贼群居无终日之计，财谷虽多，变故万端，宁能坚守者也！上郡、北地、安定三郡，土广人稀，饶谷多畜，吾且休兵北道，就粮养士，以观其敝，乃可图也。”于是引军北至枸邑，赞曰：枸邑县，属右扶风；故城在今幽州三水县东北。……《考异》曰：袁《纪》：“禹曰：‘玺书每至，辄曰无与穷寇争锋。’按世祖赐禹书，责其不攻长安，不容有此语。二年，十一月，诏征禹还，乃曰‘毋与穷寇争锋’。袁《纪》误也。所到，诸营保郡邑皆开门归附。

同上第1286—1287页

（邓禹字仲华，南阳新野人也。赤眉西入关。光武筹赤眉必破长安，欲乘衅并关中，以禹沈深有大度，故授以西讨之略，率二万人西入关。）诸将豪杰皆劝禹径攻长安。禹曰：“不然，今吾众虽多，能战者少，前无可仰之积，后无转馈之资。赤眉新拔长安，财富充实，锋锐未可当也。夫盗贼群居，无终日之划，财谷虽多，变故万端，宁能坚守者也？上郡、北地、安定三郡，土广人稀，饶谷多畜，吾且休兵北道，就粮养士，以观其弊，乃可图也。”于是引军北至枸邑。禹所到，击破赤眉别将诸营保，郡邑皆开门归附。

《后汉书·邓禹列传》第3本第803页

三辅苦赤眉暴虐，皆怜更始，欲盗出之。张印等深以为虑，印等攻更始，恐其得位而祸及已，故深以为虑。使谢禄缢杀之。

《资治通鉴·汉纪》第3本第1288页

赤眉杀更始，而隗嚣据陇右，卢芳起安定。

《后汉书·光武帝纪》第1本第25页

隗嚣归天水，复招聚其众，兴修故业，自称西州上将军。三

辅士大夫避乱者多归嚣、嚣倾身引接，为布衣交；以平陵范滂为师友，述，七卷本。前凉州刺史河内【章：十二行本“内”作“南”；乙十一引本同；孔本同。】郑兴为祭酒，《前书音义》曰：礼，饮酒必祭，示有光也，故称祭酒。祭祀时，唯长者以酒沃酹。茂陵申屠刚、杜林为治书，贤曰：治书，即治书侍御史。马援为绥德将军，杨广、王遵、周宗及平襄行巡、阿阳王捷、《地理志》平襄县、阿阳县属天水郡。长陵王元为大将军，安陵班彪之属为宾客，由此名震西州，闻于山东。马援少时，以家用不足辞其兄况，欲就边郡田牧。况曰：“汝太才，当晚成，良工不示人以朴，且从所好。”贤曰：从其所请也。遂之北地田牧。常谓宾客曰：“丈夫为志，穷当益坚，老当益壮。”后有畜数千头，谷数万斛，既而叹曰：“凡殖财产，贵其能赈施也，否则守钱虏耳！”乃尽散于亲旧。闻隗嚣好士，往从之。嚣甚敬重，与决筹策。班彪，稚之子也。

《资治通鉴·汉纪》第3本第1288—1289页

及更始败，三辅耆老士大夫皆奔归嚣。

嚣素谦恭爱士，倾身引接为布衣交。以前王莽平河大尹长安谷恭为掌野大夫，平陵范滂为师友，赵秉、苏衡、郑兴为祭酒，申屠刚、杜林为持书，杨广、王遵、周宗及平襄人行巡、阿阳人王捷、长陵人王元为大将军，杜陵、金丹之属为宾客。由此名震西州，闻于山东。

《后汉书·隗嚣列传》第2本第521—522页

（彪）年二十，遭王莽败，世祖即位于冀州。时隗嚣据陇拥众，招辑英俊，而公孙述称帝于蜀汉，天下云扰，大者连州郡，小者据县邑。……

《汉书·叙传》第12本第4207页

彪性沈重好古，年二十余，更始败，三辅大乱。时隗嚣拥众天水，彪乃避难从之。

《后汉书·班彪列传》第5本第1323页

(马援字文渊，扶风茂陵人也。)援年十二而孤，少有大志，诸兄奇之。尝受《齐诗》，意不能守章句，乃辞况，欲就边郡田牧。况曰：“汝大才，当晚成。良工不示人以朴，且从所好。”会况卒，援行服期年，不离墓所，敬事寡嫂，不冠不入庐。后为郡督邮，送囚至司命府，囚有重罪，援哀而纵之，遂亡命北地。遇赦，因留牧畜，宾客多归附者，遂役属数百家。转游陇汉间，常谓宾客曰：“丈夫为志，穷当益坚，老当益壮。”因处田牧，至有牛马羊数千头，谷数万斛。既而叹曰：“凡殖货财产，贵其能施赈也，否则守钱虏耳。”乃尽散以班昆弟故旧，身衣羊裘皮裤。

王莽末，四方兵起，莽从弟卫将军林广招雄俊，乃辟援及同县原涉为掾，荐之于莽。莽以涉为镇戎大尹，王莽改天水为镇戎。莽法，典郡者公为牧，侯称亭正，伯为连率，其无封爵者为尹也。援为新成大尹。王莽改汉中新成也。及莽败，援兄员时为增山连率，莽改上郡为增山。与援俱去郡，复避地凉州。世祖即位，员先诣洛阳，帝遣员复郡，卒于官。援因留西州，隗嚣甚敬重之，以援为绥德将军，与决筹策。

《后汉书·马援列传》第3本第827—829页

杜林字伯山，扶风茂陵人也。父邟，成哀间为凉州刺史。

.....

初为郡吏。王莽败，盗贼起，林与弟成及同郡范滂、孟冀等，将细弱俱客河西。道逢贼数千人，遂掠取财装，褫夺衣服，拔刃向林等将欲杀之。冀仰曰：“愿一言而死。将军知天神乎？赤眉兵众百万，所向无前，而残贼不道，卒至破败。今将军以数千之众，欲规霸王之事，不行仁恩反遵覆车，不畏天乎？”贼遂释之，俱免于难。

隗嚣素闻林志节，深相敬待，以为持书平。后因疾告去，辞还禄食。嚣复欲令强起，遂称笃。嚣意虽相望，且欲优客之，乃出令曰：“杜伯山天子所不能臣，诸侯所不能友，盖伯夷、叔齐

耻食周粟。今且从师友之位，须道开通，使顺所志。”林虽拘于器，而终不屈节。

《后汉书·杜林列传》第4本第934—935页

时赤眉入关，东道不通，兴乃西归隗嚣，嚣虚心礼请，而兴耻为之屈，称疾不起。

《后汉书·郑兴列传》第5本第1218页

是时，酒泉太守安定梁统、金城太守库钧、张掖都尉茂陵史苞、酒泉都尉竺曾、敦煌都尉辛彤，并州郡英俊，融皆与厚善。及更始败，融与梁统等计议曰：“今天下扰乱，未知所归。河西斗绝在羌、胡中，晋曰：斗，峻绝也。余谓斗，僻绝也。不同心戮力，则不能自守，权钧力齐，复无以相率，当推一人为大将军，共全五郡，观时变动。”议既定，而各谦让。以位次，咸共推梁统；统固辞，乃推融行河西五郡大将军事。武威太守马期、张掖太守任仲并孤立无党，乃共移书告示之；二人即解印绶去。于是以梁统为武威太守，史苞为张掖太守，竺曾为酒泉太守，辛彤为敦煌太守。融居属国，领都尉职如故；置从事，监察五郡。河西民俗质朴，而融等政亦宽和，上下相亲，晏然富殖；修兵马，习战射，明烽燧，羌、胡犯塞，融辄自将与诸郡相救，皆如符要，晋曰：赴敌不失期契也。每辄破之。其后羌、胡皆震服亲附，内郡流民避凶饥者归之不绝。

《资治通鉴·汉纪》第3本第1289—1290页

是时酒泉太守梁统、金城太守库钧、张掖太守史苞、酒泉都尉竺曾、敦煌都尉辛彤，并州郡英俊，融皆与为厚善。及更始败，融与梁统等计议曰：“今天下扰乱，未知所归。河西斗绝在羌胡中，不同心戮力则不能自守，权钧力齐，复无以相率。当推一人为大将军，共全五郡，观时变动。”议既定，而各谦让，咸以融世任河西为吏，人所敬向，乃推融行河西五郡大将军事。是时武威太守马期、张掖太守任仲并孤立无党，乃共移书告

示之，二人即解印绶去。于是以梁统为武威太守，史苞为张掖太守，竺曾为酒泉太守，辛彤为敦煌太守，庠钧为金城太守。融居属国，领都尉职如故，置从事监察五郡。河西民俗质朴，而融等政亦宽和，上下相亲，晏然富殖。修兵马，习战射，明烽燧之警，羌胡犯塞，融辄自将与诸郡相救，皆如符要，每辄破之。其后匈奴恶义，稀复侵寇，而保塞羌胡皆震服亲附。安定、北地、上郡流人避凶饥者，归之不绝。

《后汉书·窦融列传》第3本第796—797页

会更始败，赤眉入长安，统与窦融及诸郡守起兵保境，谋共立帅。初以位次，咸共推统，统固辞曰：“昔陈婴不受王者，以有老母也。今统内有尊亲，又德薄能寡，诚不足以当之。”遂共推融为河西大将军，更以统为武威太守。为政严猛，威行邻郡。

《后汉书·梁统列传》第5本第1185页

（蔡茂字子礼，河内怀人也。哀平间以儒学显，遇王莽居摄，不仕莽朝。）会天下扰乱，茂素与窦融善，因避难归之。融欲以为张掖太守，固辞不就；每所餽给，计口取足而已。后与融俱征，复拜议郎，再迁广汉太守，有政绩称。

《后汉书·蔡茂列传》第4本第807页

（刘般字伯兴，宣帝之玄孙也。）般数岁而孤，独与母居。王莽败，天下乱，太夫人闻更始即位，乃将般俱奔长安。会更始败，复与般转侧兵革中，西行上陇，遂流至武威。般虽尚少，而笃志修行，讲诵不怠。其母及诸舅，以为身寄绝域，死生未必，不宜苦精若此，数以晓般，般犹不改其业。

《后汉书·刘般列传》第5本第1304页

王隆字文山，冯翊云阳人也。王莽时，以父任为郎，后避难河西，为窦融左护军。建武中，为新汲令。能文章，所著诗、赋、铭、书凡二十六篇。

《后汉书·文苑列传》第9本第2809页

更始败，三水豪杰共立芳为上将军、西平王，赞曰：欲平定西方，故以为号。使使与西羌、匈奴结和亲。单于以为：“汉氏中绝，刘氏来归，我亦当如呼韩邪立之，令尊事我。”乃使句林王将数千骑迎芳兄弟入匈奴，立芳为汉帝，以芳弟程为中郎将，将胡骑还入安定。

《资治通鉴·汉纪》第3本第1290页

更始败，三水豪杰共计议，以芳刘氏子孙，宜承宗庙，乃共立芳为上将军、西平王，使使与西羌、匈奴结和亲。单于曰：“匈奴本与汉约为兄弟。后匈奴中衰，呼韩邪单于归汉，汉为发兵拥护，世世称臣。今汉亦中绝，刘氏来归我，亦当立之，令尊事我。”乃使句林王将数千骑迎芳，芳与兄禽、弟程俱入匈奴。单于遂立芳为汉帝。以程为中郎将，将胡骑还入安定。

《后汉书·卢芳列传》第2本第606页

帝以关中未定，而邓禹久不进兵，赐书责之曰：“司徒，尧也；亡贼，桀也。长安吏民遑遑无所依归，宜以时进讨，镇慰西京，系百姓之心！”禹犹执前意，别攻上郡诸县，更征兵引谷，归至大要。赞曰：大要县，属北地郡。积弩将军冯愜、车骑将军宗歆守枸邑，二人争权相攻，愜遂杀歆，愜，于今缺。因反击禹，禹遣使以闻。帝问使人：“愜所亲爱为谁？”对曰：“护军黄防。”帝度愜、防不能久和，势必相忤，因报禹曰：“缚冯愜者，必黄防也。”乃遣尚书宗广持节往降之。后月余，防果执愜，将其众归罪。更始诸将王匡、胡殷、成丹等皆诣广降，广与东归；至安邑，道欲亡，广悉斩之。

愜之叛也，引兵西向天水；隗嚣逆击，破之于高平，《地理志》高平县属安定郡。赞曰：今原州高平县。杜佑曰：原州他楼县，汉高平县地。又曰：原州平高县，即汉高平县地。《考异》曰：《邓禹传》，愜叛在建武元年；《隗嚣传》在二年。盖愜以元年冬末叛，延及二年；嚣拜官在二年也。尽获其輜重。于是禹承制遣使持节命嚣为西州大将军，得专制凉州、朔方事。邓禹

西征，任专方面，权宜命器，故曰承制，言承制诏而命之也。后之承制始此。

《资治通鉴·汉纪》第3本第1290—1291页

帝以关中未定，而禹久不进兵，下敕曰：“司徒，尧也；亡贼，桀也。长安吏人，遑遑无所依归。宜以时进讨，镇慰西京，系百姓之心。”禹犹执前意，乃分遣将军别攻上郡诸县。更征兵引谷，归至大要。遣冯愔、宗歆守枸邑。二人争权相攻，愔遂杀歆，因反击禹，禹遣使以闻。帝问使人：“愔所亲爱为谁”，对曰：“护军黄防。”帝度愔防不能久和，势必相忤，因报禹曰：“缚冯愔者、必黄防也。”乃遣尚书宗广持节降之。后月余，防果执愔，将其众归罪。

《后汉书·邓禹列传》第3本第603—604页

建武二年，大司徒邓禹西击赤眉，屯云阳。禹裨将冯愔引兵叛禹，西向天水，嚣逆击，破之于高平，尽获辎重。于是禹承制遣使持节命嚣为西州大将军，得专制凉州、朔方事。

《后汉书·隗嚣列传》第2本第522页

（刘秀即位，更始上党太守田邑闻更始败，归秀。因遣使者招更始行大将军鲍永及冯衍。永、衍等疑不肯降；衍并遣邑书责之）。邑报书曰：

……

……诚知故朝为兵所害，新帝司徒（编者按：指邓禹）已定三辅，陇西、北地从风响应。其事昭昭，日月经天，河海带地，不足以比。死生有命，富贵在天。天下存亡，诚云命也。邑虽没身，能如命何？……

《后汉书·冯衍列传》第4本第973—974页

建武二—四年

（26—28）年

二年（丙戌、二六）

（春正月，）长安城中粮尽，赤眉收载珍宝，大纵火烧宫